

Edizioni

- letto 195 volte

Topsfield

I.
Quar etz de pretz al sim
en la plus alta cima,
e de valor al prim
que part las valens prima;
abdos son senes crim
que Beutatz vos escrima;
vas vos mon cor aym
que ren tan non s?ayma,
que tan vos dezir prim,
prima men, que m?aprima;
no faria hom tan prim
fil prim ab prima lima.

II.
E mon cor port la lima
ab que mos cars motz lim,
e·ls fatz en cara rima
quar de car loc los rim;
latz lo cor m?es lagrima
que sus del cor lagrim,
que midons no m?estima
et ieu, las, la estim,
que mos mals no s?ayma
et ieu sos bes aym;
e retrac sus en yma
e no vuelh dire ym.

III.
Li entendedor vil,
on vils sabers s?avila,
diran que fort sotil
de motz far s?asotila,
e qu?ieu trop vuelh dir d?il
e de prima e d?ila;
mas tan fermat m?apil

on ferms sabers s?apila,
que non tem dezapil
que·ls nescis dezapila,
tant ai ferm cor el fil
on ferms sabers s?afila.

IV.

Mas afilet s?afila
el dezafilet fil,
mos cors d?amar se guila
lieys, que non pren en guil:
mos bos digz non esvila
ni eu non los dic en vil;
e quar tan gen gentila
gent ab son cors gentil,
mos bos motz non esquila
per lieys don muer ses quil;
e quar gen senhorila
tenc car son senhoril.

- letto 209 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizioni-840>